

Newspaper	Berita Harian
Date	24 / 8 / 2017

# → NEGARAKU

## Ikon 1Malaysia Negaraku kukuh kesetiaan

BH- 24/8/2017 Pg. 8

→ Aspirasi rakyat terus capai kemajuan

Oleh **Zanariah Abd Mutalib**  
zanariah\_mutalib@bh.com.my

Putrajaya

Ikon baharu 1Malaysia Negaraku adalah lambang perpaduan negara yang memberi semangat kepada rakyat mengukuhkan kesetiaan, selain komitmen terhadap dasar berteraskan keterangkuman, kesatuan dan kebersamaan.

Ikon itu yang menggabungkan ikon 1Malaysia dan Negaraku, menjadi lambang serta aspirasi rakyat untuk terus mencapai kemajuan sempena 60 tahun kemerdekaan negara pada tahun ini,

yang akan terus diingati atas dasar perpaduan nasional.

Pelancaran ikon 1Malaysia Negaraku itu disempurnakan oleh Perdana Menteri, Datuk Seri Najib Razak di Perdana Putra di sini, semalam.

Penjenamaan semula logo itu adalah hasil konsep serta idea Kementerian Komunikasi dan Multimedia (KKMM), diterajui Ketua Setiausahanya, Datuk Seri Dr Sharifah Zarah Syed Ahmad, yang juga Pengerusi Jawatankuasa Kerja Sambutan Hari Kebangsaan dan Hari Malaysia 2017.

Reka bentuknya pula adalah hasil sentuhan kreativiti Universiti Limkokwing, diterajui pengasas-



Najib bersama timbalannya, Datuk Seri Dr Ahmad Zahid Hamidi; Menteri Komunikasi dan Multimedia, Datuk Seri Dr Salleh Said Keruak; Ketua Setiausaha Negara, Tan Sri Dr Ali Hamsa dan Kok Wing bergambar pada majlis pelancaran logo 1Malaysia Negaraku di Putrajaya, semalam.

nya, Tan Sri Dr Lim Kok Wing.

KKMM memaklumkan, ikon 1Malaysia Negaraku memaparkan angka '1' pada ikon 1Malaysia yang dililit dengan Jalur Gemilang (sebelum ini digunakan pada ikon Negaraku) adalah simbol yang menguatkan mesej dan memberikan pentas yang lebih khusus.

"Ikon ini melambangkan simbol kekuatan negara ke arah perpaduan dan usaha transformasi pembangunan ekonomi, selain menjadi sebahagian daripada legasi kebangsaan dan simbol kepada dasar pentadbiran Perdana Menteri, Datuk Seri Najib Razak.

"Ia juga adalah lambang per-

Info

### Konsep 1Malaysia dan inisiatif Negaraku

→ 1Malaysia adalah gagasan bagi memupuk perpaduan dalam kalangan rakyat Malaysia berbilang kaum, berteraskan beberapa nilai penting yang seharusnya menjadi amalan rakyat Malaysia.

→ Negaraku adalah satu inisiatif untuk semua rakyat bersatu hati, bertunjangkan semangat cintakan Malaysia.

kongian nilai utama, adat dan budaya ke arah kekuatan kepelbagaian rakyat Malaysia berlandaskan sejarah dan persamaan yang dikongsi, selain mewujudkan perpaduan dalam kepelbagaian unik bagi Malaysia," katanya dalam satu kenyataan, semalam.

KKMM berkata, inisiatif 1Malaysia sebelum ini diterima sepenuhnya oleh rakyat dan menjadi simbol yang paling dikenali di seluruh negara.

"Pada dasarnya, ia sudah menjadi sebahagian daripada warisan kebangsaan yang dimeterai Perdana Menteri sebagai faktor penyatuan dan perpaduan yang diterima rakyat," katanya.



KERAJAAN MALAYSIA



### Ikon 1Malaysia: Simbol Perpaduan Negara

"1Malaysia merupakan satu konsep untuk memupuk perpaduan di kalangan rakyat Malaysia dari semua kaum berdasarkan nilai-nilai penting yang seharusnya menjadi amalan seluruh rakyat Malaysia."

YAB Dato' Sri Najib Tun Abdul Razak  
15 Jun 2009

Sejak pelancarannya, inisiatif 1Malaysia telah diterima sepenuhnya oleh rakyat Malaysia dan ikon 1Malaysia telah menjadi simbol yang paling dikenali di negara ini yang merangkumi prinsip yang berteraskan keterangkuman, kesatuan dan kebersamaan.

Ikon 1Malaysia dengan bangganya dipamerkan di seluruh Negara sebagai simbol perpaduan dan patriotisme.

### Ikon Baru 1Malaysia Menggabungkan "Negaraku"

Ikon baharu 1Malaysia yang menggabungkan Jalur Gemilang dengan Negaraku menjadikan satu simbol yang menguatkan mesej dan memberikan platform yang lebih khusus.

Sambil mempamerkan imej sebuah negara yang bersatu-padu dan ikonik, ikon baharu ini memberi semangat kepada rakyat Malaysia untuk mengukuhkan kesetiaan dan komitmen mereka terhadap perpaduan dan keharmonian melalui 1Malaysia Negaraku.